

ՊԱՐԳԵՎԱԲԱՇԽՈՒԹՅՈՒՆ ՄԱՅՐ ԱԹՈՌ ՍՈՒՐԲ ԷԶՄԻԱԾՆՈՒՄ

Նոկտեմբերի 1-ին Մայր Աթոռ Սուրբ Էջմիածնում, Վեհարանի հանդիսությունների դահլիճում, Ն.Ս.Օ.Տ.Տ. Գարեգին Բ Ամենայն Նայոց Կաթողիկոսի հանդիսապետությամբ և մասնակցությամբ ՆՇ Կրթության և գիտության նախարար Սերգո Երիցյանի փեղի ունեցավ հանրակրթական դպրոցների ուսուցիչների պարգևաբաշխություն: Արդեն երկրորդ փարին է, ինչ Գարեգին Բ Ամենայն Նայոց Կաթողիկոսի հովանավորությամբ ՆՇ ԿԳ նախարարությունը Նայաստանում անցկացնում է հանրակրթական դպրոցների ուսուցիչների մրցույթ, որի հաղթողներին Ամենայն Նայոց Գարեգին Բ Կաթողիկոսը հանձնում է վկայականներ և դրամական պարգևներ:

Մրցանակաբաշխության արարողությունն այս փարի բացվեց Քրիստոնեական դաստիարակության կենտրոնի նորանշանակ փնօրեն Տ. Ղուկաս աբեղա Զաքարյանի ողջույնի խոսքով: «Ուսուցչի աշխատանքը ծանր է և միևնույն ժամանակ քաղցր: Այն, ինչ ժամանակին արեց Աստվածորդին՝ Իր աշակերտներին կարգելով նաև ուսուցիչներ, այսօր այդ առաքելությունը շարունակում է Նայոց Եկեղեցին՝ մշտապես իր ուշադրության կենտրոնում պահելով հայ մանուկների կրթությունը և գիտության զարգացումը», - ասաց Նայր Սուրբն իր խոսքում:

Վեհարանի հանդիսությունների դահլիճում հավաքված հանրակրթական դպրոցների ուսուցիչներին բարեհաջող ուսումնական փարի մաղթեց նաև Կրթության և գիտության նախարար Սերգո Երիցյանը: «...Ավանդույթ են դառնում այս հանդիսությունները Մայր Աթոռ Սուրբ Էջմիածնում: Խորհուրդը հենց սա է, որ Վեհափառ Տիրոջ հովանավորությամբ Մայր Աթոռը գնահատում է դպրոցը, կրթության մշակին, գնահատում է մանկավարժին: Եվ այդ նախաձեռնությունը, որ ցուցաբերվեց Մայր Աթոռի կողմից՝ մրցանակներ սահմանել ուսուցչի աշխատանքը գնահատելու համար, այս վերաբերմունքի արտահայտություններից է:

...Մենք հավաքվել ենք այսօր ոչ միայն արդյունքներն ամփոփելու համար, այլև խորհելու ուսուցչի մասնագիտության, կոչման մասին: Իսկ այդ կոչումն արժանի է ամենամեծ գնահատանքին ու հարգանքին», - նշեց պրն Երիցյանը: ԿԳ նախարարը, անդրադառնալով ուսուցչի պատասխանատվության և դժվարին առաքելությանը, վստահություն հայտնեց, որ, արժանանալով Մայր Աթոռ Սուրբ Էջմիածնի ամենապատվավոր մրցանակներին և ստանալով Ամենայն Նայոց Կաթողիկոսի օրհնությունը, ուսուցիչներն առավել նախանձախնդրությամբ կկատարեն իրենց աշխատանքը:

Նանդիսության ընթացքում հայտարարվեցին մրցույթի վերջնական արդյունքները, և քառասունչորս ուսուցիչներ Ամենայն Նայոց Նայրապետից և նախարարից ստացան վկայականներ և դրամական պարգևներ:

Խրախուսական մրցանակների հանձնումից հետո ներկաներին իր օրհնությունն ու գնահատանքի խոսքն ուղղեց Ն.Ս.Օ.Տ.Տ. Գարեգին Բ Ամենայն Նայոց Կաթողիկոսը: «Արդարև, կանգնած Թարգմանչաց նվիրական խորհրդի առջև՝ մենք պիտի անդրադառնանք և գի-

տակցենք, որ դարձնում որքան որ կարևորություն պիտի ընձայենք գիտելիքի փոխանցման, նույնքան կարևորությամբ աշխատանք պիտի ներդնենք հայորդու բարոյական անձի կերպման գործին, նրա հայաշունչ ոգու և քրիստոնեական բարոյական նկարագրի կերպման գործին, որպեսզի երաշխավորված լինի մեր կյանքը նոր ժամանակների մեջ, որպեսզի մեր ներկան լինի ապահով ու զորեղ, և մենք հաստատուն քայլերով ընթանանք առաջ՝ դեպի եկող ժամանակները մեր կյանքի և ապագայի», - մասնավորաբար նշեց Նորին Սրբությանը: Հայոց Հայրապետը նաև իր գնահատանքը բերեց ԿԳ նախարարին և նախարարության պաշտոնեությանը՝ սերտ համագործակցության և Եկեղեցուն զորակցության ու մարտնչած ծառայության համար՝ կոչելով բարի իրագործումներով խանդավառել ու ոգևորել կրթության և գիտության հայ մշակներին, որպեսզի նրանք նախանձախնդրորեն լծվեն հայ պատանու ու մանկան կրթության սրբազան գործին: Վեհափառ Հայրապետը, բերելով իր օրհնությունն ուսուցիչներին, մաղթեց, որ Աստված պահպանի իրենց քաջառողջ և երջանիկ՝ իրականություն դարձնելով իրենց բոլոր բարի իղձերը, որ նպատակաուղղված են Հայրենիքի շինությանը և ժողովրդի բարօր կյանքին:

ՄԱՅՐ ԱԹՈՌ ՍՈՒՐԲ ԷԶՄԻԱԾՆԻ
ՏԵՂԵԿԱՏՎԱԿԱՆ ՀԱՄԱԿԱՐԳ